

Seizneix Ndwenngoenz Ndei

□ Cinz Genmouz / 覃建谋

Mbwk:

Gaeng angq vunz engq angq,
Bak caengz gangj sien riu,
Dangj hai loh gyaq giuz,
Raeuz baenzciuh mbouj gungz.

Sai:

Gyoengqvunz youq ndaw bya,
Ok dou ga bin dat,
Lumj duznou duzsap,
Raih cag gvaq baengxciengz.

Mbwk:

Gyoengqvunz youq ndaw rungh,
Gyauhdungh mbouj bienhleih,
Moix mbat ok dou bae,
Raih cag lae ndaw fwj.

Sai:

Dangj fuzbinz roengzma,
Bag bya hai roenloh,
Vih raeuz mbouj caiq hoj,
Son raeuz doq giuzgim.

Mbwk:

Dangj fuzbinz roengzma,
Ranzhaz bienq ranzlaeuz,
Saenzsien daj mbwn daeuj,
Haenh ranz raeuz caen ndei.

Sai:

Dangj hawj raeuz bouxhoj,
Doq giuz gvangq youh moq,
Bag bya hai daihlloh,
Doeng bae doh lajmbwn.

Mbwk:

Dangj hawj raeuz vunzmbanj,
Cang ndei guh laeuz moq,
Fwjva guh yiemzhoq,
Goengloh daengz bakdou.

Sai:

Heiqei daemx bakdou,
Lienz duzmou hix angq,
Bae haw naeuz bae mbanj,
Gangj riu yaep couh daengz.

Mbwk:

Ndaw singz miz gauhdez,
Bouxgeq maij bae youz,
Gyanghaet youq Gvangjcouh,
Haemh Hangzcouh sai laeuj.

Sai:

Diegraeuz mbwn rengx lai,
Gwn raemx daiq dwgrengz,
Raemx beij gim lij bengz,
Miz eng fouz maz coq.

Mbwk:

Sam ngoenz mbouj roengz fwn,
Ra raemx gwn mbouj meiz(miz),
Haeuxyangz dai ndaw reih,
Gaeng dai veih(vih) hozhawq.

Sai:

Seizneix youq ndaw bya,
Raemx gag ma daengz ranz,
Gwn lumj van gvaq dangz,
Rengx nanz naz mbouj hawq.

Mbwk:

Seizneix caen mbouj hoj,
Swnghhoz bienq ndei gvaq,
Lwgnyez daenj buhva,
Beij duzmbaj lij lengi.

Sai:

Moix baez haeuj ranz ma,
Miz bya cien ndaw deb,
Lwgloux rox gag ceg,
Hek daeuj gacak heuh.

Mbwk:

Doenghbaez coz ndaemnaz,
Neix naj nyaeuq yex lan,
Caemz baeg couh maranz,
Andingh gvaq bigeq.

Sai:

Doenghbaez haw gaujvaq,
Mbouj bae ra gouz gwn,
Mbouj raemj faex gai fwnz,
Cien z cwn guh seng’eiq.

Mbwk:

Seizneix daenj engq ndei,
Daenj buhsei ndaemnaz,
Doxbungz mbouj roxnaj,
Doxcam gvaq youh riu.

Sai:

Seizneix yienghyiengh miz,
Hoengq cix bae diuqfoux,
Sam haet youh bae youz,
Ra baengzyoux guh fwen.

Mbwk:

Mwngz eu gou hix eu,
Beuz cehgim did ngaz,
Dawzaen lumj lwgraz,
Geq ndaej da raizva.

Sai:

Goyangz yienznaeuz sang,
Mbouj van beij dangzoij,
Dangj hawj beixnuengx doih,
Baenzciuh boiz mbouj caenh.

Mbwk:

Gvaq giuz mbouj lumz dwngx,
Gwn raemx mbouj lumz cingj,
Dangj hawj raeuz aencingz,
Dingh fanh daih mbouj lumz.

Sai:

Bae haw mbouj lumz loh,
Gwn noh mbouj lumz mou,
Dangj vih raeuz couzmouz,
Bouxboux cungj mbouj lumz.

Mbwk:

Raeuz sai laeuj caez hoh,
Guekcoj engq fouqgiengz,
Lwgminz engq miz cienz,
Beij saenzsien vaiqvued.

Sai:

Beij saenzsien lix fouq,
Bouxboux gyaez eu fwen,
Cien bi guh mbouj yuenz,
Guek giengz minz lij fouq. (sat)

Ciengx Lwenx Riengz Dangj Byaij

□ Lanz Veisungh / 蓝卫松

Mbanj dou dwg aen mbanj rungh iq bienbik ndeu. Youq ndaw mbanj dou, miz aen ranz ndeu, daengx ranz 4 boux vunz, miz bohme h caeuq song lwg. Boh aenvih geij bi gonq ciengz cihux fouzcingz ndeu, deng gvej bae diuz genfwngz, mbouj ndaej guh hong reihnaz. Meh aenvih lij iq gij gwn yingzyangj mbouj gaeuq caeuq gwn haeux mbouj ciuqseiz, baenz bingh mansing veiyenz caeuq gvanh-cezyenz, hix guh mbouj ndaej hong naek. Daxcej lij doeg cuhcungh, daegnuengx doeg siujyoz.

Gyoengqde youq ndaw fungh ranz vaxnaez daemqdet, bangxciengz ndaw ranz deknjaknyak, seizdoeng rumznit daj gij gehdek ndonj haeuj-daeuj. Dingjranz couh lumj ndaundeiq gwnzmbwn, danghnaeuz fwn doek, gij doengj cungj mbouj gaeuq cie p fwnraemx roh roengzdaeuj. Ndaw ranz ciengx miz geij duz gaeq bit, song duz mou caeuq duz cwz ndeu. Gwn

raemx aeu daengz aen mboq liz ranz it goengleix rap raemx ma. Daengx ranz vunz dan baengh gwnz geng moux sam faen dieg, caeuq aen cunhvej bang di, roxnaeuz vunzmbanj daeuj coengh, cengqgengz gvaq ndwenngoenz. Saed-ceij gvaq ndaej gig gannanz, ndaw ranz lien z aen densi cungj mbouj miz. Boh cungj dwg danqheiq gyangznaek naeuz: “Ai…… Ndwenngoenz saekdi maq– muengh hix mbouj miz o!”

Gij ronghsag aen dangj ciuq doh daihdeih, cingcinj banggunz saedhengz, hawj gij ndwenngoenz gyoengqde ndaej bienqvaq haujlai. Bangfuz ganbu mbouj geij nanz couh daeuj liujgaij gij cingzgvang gyoengqde, hawj gyoengqde senhconz gij cwnge w z banggunz. Gij ranz gaeuq gyoengqde nyoengxlaemx lo, hwnq gan ranz moq he. Bangfuz ganbu youh soengq hawj gyoengqde aen densi he. Daxcej caeuq daegnuengx moix aen haggeiz cungj miz gij

swnghhoz bangbouj, caemhcai q cwnge fuj lien zhaeh le gij giyez simndei, gij giyez nyienh soengq songde doeg daengz dayoz.

Boh ndaej anbaiz haeuj ndaw mbanj yozyau guh baujanh, moix ndwen cungj miz cienzhong. Daxmeh moix ndwen hix miz di cie q daemq swnghhoz baujca ng. Mboujdan yiengh-neix, ndaw mbanj gensez gij hangh-moeg raemx gwn, ranzranz cungj cie p ndaej swlaizsuij, caiq hix mbouj aeu bae diegg yae rap raemx lo. Ndaw mbanj gij loh bu sui j niz, lien z daengz bakdou moix hoh, yienzlaiz gij gyangdoengh namhboengz loh iq mbouj raen lo. Seizneix gyoengqde gvaq ndaej gig vuenyungz, baez gangj daengz gij bienqvaq neix, boh cungj dwg cingsaenz gvaekgvaek dwk naeuz: “Gij saehcingz doenghbaez siengj cungj mbouj gamj siengj, gingqyienz fatseng youq henz ndang, Mauz cujsiz dwg boux gouq mingh

lwgminz, Siz cujsiz couhdwg boux bang gungz coengh hoj! Gungcanj– dangj caen dwg ndei ha!”

Dwg ha, mbouj miz gungcanj– dangj couh mbouj miz Cungguek moq! Mbouj miz dangj lingjdauj, couh mbouj miz ngoenzneix gij saedceij vuenyungz! Youq gwnz roen gensez Cungguek gij rumzfw n eix, Cunghgoz Gungcanjdangj itsim vih beksingq, caemhcai q coengzlaiz mbouj bienq gvaq、mbouj ning gvaq. Youq Cungh– goz Gungcanjdangj lingjdauj baihlaj, guekg y a raeuz fazcanj mwnhoengh, yamqdin baenaj youh yied byaij yied vaiq, sevei fazcanj mbwn fan deih boek、ngoenz bienq aen yiengh, gij sui jbingz swnghhoz lwgminz mbouj– duenh ndaej daezsang. Neix sojmiz hawj lwgminz ginzcung laegdaeuq roxnyinh daengz: Aen dangj raeuz dwg geijlai hungmbwk, hix saenqniemh giendingh dwk ciengxlwenx riengz dangj byaij baenaj!

Gou siengsaengq, cijaeu caezgya doengzcaez roengzrengz, doengzcaez haenqrengz buek guh, genhciz ciengz– geiz mboujduenh youq gwnz gangjvei bingzciengz amqamq ok rengz caemhcai q haeujsim guh saeh, bietdingh ndaej saedyienh aen loq– siengj gvaq hwnj gij saedceij engq vuenyungz, hix bietdingh ndaej saedyienh aen loqsiengj Cunghvaz Minzczuz fukhwng hungmbwk!